

唐  
音  
統  
籤

丁籤七顧况之三

唐音統籤卷

二百十六

五言律詩

步虛詞

太清宮作

迥步遊三洞清心禮七真飛符超羽翼焚火醮星  
辰殘藥沾雞犬靈香出鳳麟壺中無窄處願得一  
容身

空梁落燕泥

卷幕差池燕常啣濁水泥爲黏珠履迹未等盡梁  
齊舊點痕猶淺新巢緝尚低不緣頻上落那得此  
飛棲

、閑居自述

榮辱不關身誰爲疎與親有山堪結屋無地可容  
塵白髮偏添壽黃花不厭一作貧一樽朝暮醉陶  
令果何人

別江南

江城吹曉角愁殺遠行人漢將猶防虜吳官欲向  
秦布帆輕白浪錦帶入紅塵將底求名宦平生但  
任真

憶山中

春還不得還家在最深山蕙圃泉澆濕松窓月映

閒薄田臨谷口小職向人間去處但無事重門深  
閉關

洛陽早春

何地避春愁終年憶舊遊一家千里外百舌五更  
頭客路偏逢雨鄉山不入樓故園桃李月伊水向  
東流

歷陽苦雨

襄城秋雨晦楚客不歸心亥市風煙接隋宮草路  
深離憂翻獨笑用事感浮陰夜夜空階響惟余蛭

蚓吟

蚯蚓一作蜻蛚

南歸

老病力難任猶多鏡雪侵  
鱸魚消宦况鷗鳥識歸心  
急雨江帆重殘更驛樹深  
鄉關殊可望漸漸入吳音

題攝山棲霞寺

明徵君舊宅陳後主題詩跡  
在人亡處山空月滿時  
寶瓶無破響道樹有低枝  
已是傷離客仍逢新尚祠

鄱陽大雲寺一公房

盡日陪遊處斜暉竹院清  
定中觀有漏言下證無

河車

春鳥詞送元秀才入京

春來繡羽齊暮向竹林棲  
禁苑銜花出河橋隔樹啼  
尋聲知去遠顧影念飛低  
別有無巢鷺猶窺幕上泥

義川公主挽詞

弄玉吹簫後湘陵鼓瑟時  
月邊丹桂落風底白楊悲  
雜珮分泉戶餘香出總帷  
夜臺飛鏡匣偏共掩蛾眉

鄮公合祔挽歌

草露前朝事荆茅聖主封空傳餘竹帛永絕舊歌  
鍾清鏡無雙影窮泉有幾重笳簫最悲處風入九  
原松

相國晉公挽歌二首

玉節朝天罷洪爐造化新中和方作聖太素忽收  
神盛德橫千古高標出四鄰欲知言不盡處處有  
遺塵

凝笳催曉奠丹旄向青山夕照新塋近秋風故吏  
還本朝光漢代從此掃胡關今日天難問浮雲滿  
世間

晉公魏國夫人柳氏挽歌

魚軒海上遙驚影月中銷雙劍來時合孤桐去日  
凋夕陽迷隴隧秋吹咽笳簫盡髮無留影銘旌已  
度橋

傷大理謝少卿

舊館絕逢迎新詩何處呈空留封禪草已作岱宗  
行柳蠹風吹折堦崩雪遶平無因重來此剩哭兩  
三聲

經徐侍郎墓作

不知山吏部墓在石橋東宅兆鄉關異平生翰墨



空夜泉無曉日枯樹足悲風更想幽冥事唯應有  
夢同

五言排律

樂府

暖谷春光至宸遊近甸榮雲隨天仗轉風入御簾  
輕翠蓋浮佳氣朱樓倚太清朝臣冠劍退宮女管  
絃迎細草承雕輦繁花入幔城文房開聖藻武衛  
宿天營玉醴隨觴至銅壺逐漏行五星含土德萬  
姓徹中聲親祀先崇典躬推示勸耕國風新正樂  
農器近銷兵道德關河固刑章日月明野人同鳥

獸率舞感昇平

山居卽事

下泊降茅仙蕭閉隱洞天楊君閑上法司命駐流  
年崦合桃花水窓分柳谷煙抱孫堪種樹倚杖問  
耘田世事休相擾浮名任一邊由來謝安石不解  
飲靈泉

題盧道士房

秋砧響落木共坐茅君家唯見兩童子門外汲井  
花空壇靜白日神鼎飛丹砂塵尾拂霜草金鈴搖  
薜蘿上章塵世隔看奕桐陰斜稽首問仙要黃精

堪餌花

寄江南鶴林寺石氷上人

山川重復重心地暗相逢忽憶秋江月如聞古寺鐘  
湖平南北岸雲抱兩三峰定力超香象真言攝毒龍  
風中何處鶴石上幾年松爲報烟霞道人間共不容

送從兄使新羅

六氣銅渾轉三光玉律調河宮清奉費海嶽晏來朝  
地絕提封入天平錫貢饒揚威輕破虜柔服恥征遼  
曙色黃金闕寒聲白鷺潮樓船非習戰驄馬

是嘉招帝女飛甍石鮫人賣淚綃管寧雖不偶徐  
市儻相邀獨島緣空翠孤霞上沈寥螭蜃同漢月  
蟾蜍異秦橋水豹橫吹浪花鷹迴拂霄晨裝凌莽  
渺夜泊記招搖幾路通圓嶠何山是沃焦颶風晴  
汨起陰火暝潛燒鬚髮成新髻人參長舊苗扶桑  
嘶日近析木帶津遙夢向愁中積冤當別處銷臨  
川思結網見彈欲求鶚共散羲和屑誰差甲子朝  
滄波仗忠信譯語牌謳謠疊鼓鯨鱗隱陰帆鷁首  
飄南溟隨大翼西海飲文鯢指景尋靈草排雲聽  
洞簫封侯萬里外未肯後班超

七言律詩

閑居懷舊

日長鼓腹愛吾廬  
洗竹澆花興有餘  
騷客空傳成相賦  
晉人已負絕交書  
貧居謫所誰推轂  
仕向侯門恥曳裾  
今日思來總皆罔  
汗青功業又何如

湖南客中春望

鳴鴈嘹嘹北向頻  
綠波何處是通津  
風塵海內憐雙鬢  
涕淚天涯慘一身  
故里音書應絕絕  
異鄉景物又更新  
便拋印綬從歸隱  
吳渚香蓴漫吐春

宿湖邊山寺

羣峰過雨澗淙淙松下扉  
扇白鶴雙香透經窓籠  
檜栢雲生梵宇濕旛幢  
蒲團僧定風過席葦岸漁  
歌月墮江誰悟此生同寂滅  
老禪慧力得心降

送大理張卿

春色依依傷解携月卿今夜泊隋堤  
白沙洲上江離長綠樹村邊謝豹啼  
遷客此一作本來無倚仗故人相去隔雲泥  
越禽唯有南枝分目送孤鴻飛向

西

五言絕句

洛陽陌二首

唐詩集  
鶯聲滿御堤堤柳拂絲齊風送名花落香紅襯馬蹄

珂珮逐鳴騶王孫結伴遊金丸落飛鳥乘興醉青樓

田家

帶水摘禾穗夜搗具晨炊縣帖取社長嗔怪見官遲

春懷

園鶯啼已倦樹樹隕香紅不是春相背當由已自翁

夢後吟

醉中還有夢身外已無心  
明鏡唯知老青山何處  
深

永嘉

東甌傳舊俗風日江邊好  
何處樂神聲夷歌出煙  
島

青弋江

淒清回泊夜淪波激石響  
村邊草市橋月下罟師  
網

梅灣



白石盤盤磴清香樹樹梅山深不吟賞姑負委蒼  
苔

題山頂寺

遙聞林下語知是經行所日暮香風時諸天散花  
雨

題靈山寺

戰島

覺地本隨身靈山重結因如何戰島佛不化捕魚  
人

題元陽觀舊讀書房贈李範

此觀十年遊此房千里宿還來舊窓下更取看書

讀

山中夜宿

涼月掛層峰  
蘿牀落葉重  
掩關深畏虎  
風起紙長松

宿山中僧

不爇香爐煙  
蒲團坐如鐵  
嘗想同夜禪  
風墜松頂雪

江上

江清白鳥斜  
蕩槳習蘋花  
聽唱菱歌晚  
迴塘月照沙

溪上

採蓮溪上女舟小怯搖風驚起鴛鴦宿水雲撩亂  
紅

登樓

高閣成長望江流鴈叫哀淒涼故吳事麋鹿走荒  
臺

憶鄱陽舊遊

悠悠南國思夜向江南泊楚客斷腸時月明楓子  
落

天寶題壁

五十餘年別伶俚傳道不行卻來居處在惆悵似前  
生

臨平塢雜題十四首

山逕柳

宛轉若游絲淺深栽綠掩年年立春後卽被啼鶯  
占

石上藤

空山無鳥跡何物如人意委曲結繩文離披草書  
字

薜荔菴

薜荔作禪菴重疊菴邊樹空山逕欲絕也有人知處

芙蓉樹

風擺蓮花乾月背鳥巢寒文魚翻亂葉翠羽上危欄

欹松漪

湛湛碧漣漪老松欹側臥悠揚綠蘿影下拂波紋破

焙茶塢

新茶已上焙舊架憂生醖旋旋續新煙呼兒劈寒

木

彈琴谷

谷中誰彈琴琴響谷冥寂因君扣商調艸蟲驚暗  
壁

白鷺汀

蘼靡汀草碧淋森鷺毛白夜起沙月中思量捕魚  
策

干松嶺

終日吟天風有時天籟止問渠何肯意恐落凡人  
耳

臨平湖

采藕平湖上藕泥封藕節船影入荷香莫衝蓮柄折

山春洞

引燭踏僊泥時時亂乳燕不知何道士手把靈書卷

石竇泉

吹沙復噴石曲折仍圓旋野客漱流時梧粘落花片

六言絕句

過山農家

板橋人渡泉聲  
竹簷日午雞鳴  
莫嘆焙茶煙暗  
却喜晒穀天晴

思歸

不能經綸大經  
甘作草莽閒臣  
青鎖應須長別  
白雲漫與相親

歸山作

心事數莖白髮  
生涯一片青山  
空林有雪相待  
古道無人獨還



丁籤七顧况之四

唐音統籤卷二十七

七言絕句

宮詞

玉樓天半起笙歌  
風送宮嬪笑語和  
月殿影開聞夜漏  
水晶簾捲近秋河

宮詞

長樂宮連上苑春  
玉樓金殿豔歌新  
君門一入無由出  
惟有宮鶯得見人

宮詞四首

禁柳煙中聞曉鳥  
風吹玉漏盡銅壺  
內官先向蓬

萊殿金合開香瀉御爐

玉階容衛宿千官風獵青旂曉仗寒侍女先來薦  
瓊藥露漿新下九霄盤

九重天樂降神僊步舞分行踏錦筵嘈囋一聲鐘  
鼓歇萬人樓下拾金錢

金吾持戟護新簷天樂聲傳萬姓瞻樓上美人相  
倚看紅妝透出水精簾

竹枝詞

帝子蒼梧不復歸洞庭葉下楚雲飛巴人夜唱竹  
枝後腸斷曉猿聲漸稀

桃花曲

魏帝宮人舞鳳樓  
隋家天子泛龍舟  
君王夜醉春眠晏  
不覺桃花逐水流

櫻桃曲

百舌猶來上苑花  
遊人獨自憶京華  
遙知寢廟嘗新後  
敕賜櫻桃向幾家

歲自作

不覺老將春共至  
更悲攜手幾人全  
還丹寂寞羞明鏡  
手把屠蘇讓少年

山中

一作朱放

野人愛向山中宿  
況在葛洪丹井西  
庭前有個長松樹  
夜半子規來上啼

橫山故居

一作江上故居

家在雙峰蘭若邊  
一聲秋磬發孤煙  
山連極浦鳥飛盡  
月上青林人未眠

臨海所居二首

此是昔年征戰處  
曾經永日絕人行  
千家寂寂對流水  
惟有汀洲春草生

此去臨溪不是遙  
樓中望見赤城標  
不知疊嶂重霞裏  
更有何人度石橋

江村亂後

江村日暮尋遺老  
江水東流橫浩浩  
竹裏閒窓不見人  
門前舊路生青草

從剡溪至赤城

靈溪宿處接靈山  
窈映高樓向月閑  
夜半鶴聲殘夢裏  
猶疑琴曲洞房關

小孤山

古廟楓林江水邊  
寒鴉棲飯鴈橫天  
大孤山遠小孤出  
月照洞庭歸客船

宿昭應

武帝祈靈太乙壇新豐樹色繞千官那一作知今  
夜長生殿獨閉空山月影寒

洞庭秋日

青草湖邊日色低黃茆嶂裏鷓鴣啼丈夫飄蕩今  
如此一曲狂歌楚水西

憶故園

惆悵山多人復稀杜鵑啼處淚沾衣故園此去千  
餘里春夢猶能夜夜歸

聽角思歸

故園黃葉滿青苔夢後城頭曉角哀此夜斷腸人

不見起行殘月影徘徊

登樓望水

鳥啼花發柳含煙  
擲却風光憶少年  
更上高樓望江水  
故鄉何處一歸船

瑯琊寺上方

東晉王家住此溪  
南山樹色隔窓低  
碑沉宇滅昔人遠  
谷鳥猶向寒花啼

山僧蘭若

絕頂茅菴老此生  
寒雲孤木伴經行  
世人那得知幽徑  
遙向青峰禮磬聲

望簡寂觀

青嶂青溪直復斜，白雞白犬到人家。  
仙人住在最高處，向晚春泉流白花。

夜中望僊觀

日暮衡花飛鳥還，月明溪上見青山。  
遙知玉女窓前樹，不是僊人不得攀。

安仁巷口望僊人城

樓臺采翠遠分明，聞說僊家在此城。  
欲上僊城無路上，水邊花裏有人聲。

尋桃花嶺潘三姑臺



桃花嶺上覺天低  
人上青山馬隔溪  
行到三姑學  
僊處還如劉阮二郎迷

題明霞臺

野人本自不求名  
欲向山中過一生  
無嫌憔悴如  
知已別有煙霞似弟兄

題葉道士山房

水邊楊柳赤欄橋  
洞裏神仙隱  
玉簫近得麻

姑書信否尋陽江  
一作  
上不通潮

尋僧二首

方丈玲瓏花竹閑  
已將心印出人間  
家家門外長

唐音統籤

安道何處相逢是寶山

彌天釋子本高情往往山中獨自行莫怪在人游  
楚國蓮花只在淤泥生

奉和韓晉公晦日

江南無處不聞歌晦日中軍樂更多不是風光催  
柳色却緣威令動陽和

酬柳相公

天下如今已太平相公何事喚狂生箇身恰似籠

中鳥一作鶴東望瀛洲叫數聲

贈朱放

野客歸時無四鄰  
黔婁別久案常貧  
漁樵舊路不堪入  
何處空山猶有人

贈韋青將軍

身執金吾主禁兵  
腰間寶劍重橫行  
接輿亦是狂歌者  
更就將軍乞一聲

青善歌見樂府雜錄

山中贈客

山中好處無人別  
澗梅僞作山中雪  
野客相逢夜不眠  
山中童子燒松節

贈遠

暫出河邊思遠道  
却來窻下聽新鶯  
故人一別幾

時見春草還從舊處生

贈僧二首

家住義興東舍溪溪邊莎草雨無泥上人一向心  
入定春鳥年年空自啼

出頭皆是新年少何處能容老病翁更把浮榮喻  
生滅世間無事不虛空

寄秘書包監

一別長安路幾千遙知舊日主人憐賈生只是三  
年謫獨自無才已四年

送李山人還玉溪

好鳥共鳴臨水樹幽人獨欠買山錢若爲種得千竿竹引取君家一眼泉

送李侍郎從宣城取洞庭路往吳興

世間惟有情難說今夜應無不醉人若向洞庭山下過暗知澆瀝聖姑神

送李秀才遊嵩山

嵩山石壁挂飛流無限神仙在上頭采得新詩題石壁老人惆悵不同遊

送李秀才入京

五湖秋葉滿行船八月靈槎欲上天君入長安予

適越獨登秦望

一作望秦川

送郭秀才

故人曾任丹徒令，買得青山擬獨耕。  
不作草堂招遠客，却將垂柳借啼鶯。

送少微上人還鹿門

少微不向吳中隱，爲箇生緣在鹿門。  
行入漢江秋月色，襄陽耆舊幾人存。

五兩歌送張夏

竿頭五兩風裏裏，水上雲帆逐飛鳥。  
送君初出揚州時，靄靄瞳瞳江溢曉。

代佳人贈別

萬里行人欲渡溪  
千行珠淚滴爲泥  
已成殘夢隨君去  
猶有驚鳥半夜啼

越中席上看弄老人

不到山陰二十春  
鏡中相見白頭新  
此生不復爲年少  
今日從他弄老人

聽劉安唱歌

子夜新聲何處傳  
悲翁更憶太平年  
卽今法曲無人唱  
已逐霓裳飛上天

早春思歸有唱竹枝歌者坐中下淚

渺渺春生楚水波  
楚人齊唱竹枝歌  
與君皆是思歸客  
拭淚看花柰老何

王郎中席歌妓

柳拂青樓花滿衣  
能歌宛轉世應稀  
空中幾處聞清響  
欲繞行雲不遣飛

王郎中妓席四首

玉作搔頭金步搖  
高張苦調響連宵  
欲知寫盡相思夢  
度水尋雲不用橋

汗浥新粧畫不成  
絲催急節舞衣輕  
落花遶樹疑無影  
回雪從風暗有情



秦聲楚調怨無窮  
隴水胡笳咽後通  
莫遣黃鸝花裏囀  
參差撥亂妬春風  
欲寫人間離別心  
須聽鳴鳳似龍吟  
江南曲盡歸何處  
洞水山雲知淺深

送柳宜城葬

鳴笳已逐春風咽  
疋馬猶依舊路嘶  
遙望柳家門下樹  
恐聞黃鳥向人啼

哭絢法師

楚客停橈欲問誰  
白沙江草麴塵絲  
生公手種殿前樹  
惟有花開鵲鵲悲

悼稚

稚子比來騎竹馬猶疑只在屋東西  
莫言道者無悲事曾聽巴猿向月啼

崦裏桃花

崦裏桃花逢女冠林間杏葉落僊壇  
老人方授上清籙夜聽步虛山月寒

和宮女題紅葉

事詳庚籤宮閨內

愁見鶯啼柳絮飛

一作花落深宮鶯亦悲

上陽宮女斷腸時

君恩不禁東流水葉上題詩寄與

一作誰欲寄

海鷗詠

侯鯖錄云况與李鄴侯善鄴侯卒况感其知作此以寄懷爲權貴所疾

萬里飛來爲客鳥曾蒙丹鳳借枝柯一朝鳳去梧  
桐死滿目鴟鵂奈爾何

攝山聽子規

棲霞山中子規鳥口中血出啼不了山僧後夜初  
入定聞似不聞山月曉

子規

杜宇冤亡積有時年年啼血動人悲若教恨鬼皆  
能化何樹何山着子規

句

崦合桃花水窓鳴柳谷泉

題柳谷泉亦名柳  
湫應天府志

顏

垣化爲陂陸地堪乘舟

以下並見張爲主客圖

汀洲渺渺

江籬短疑是疑非兩斷腸

巫峽朝雲暮不歸洞

庭春水晴空滿

龍吟四澤欲興雨鳳引九雛警

宿鳥

七星管歌通典

新婦磯邊月明女兒浦口潮平

漁父詞

野客叢談

丁籤八

唐音統籤卷

二百十八

張繼字懿孫襄州人登天寶進士第大曆末授檢

校祠部員外郎分掌財賦於洪州卒詩一卷

唐宋志同

高仲武云張繼員外累代詞伯積襲弓箕其于爲文不雕不飾及爾登第秀發當時詩體清迥有道者風如女停襄邑杼農廢汝陽耕事理雙切又火燎原猶熱波搖海未平比興深矣

郢城西樓吟

品彙作郎士元

連山盡處水縈迴山上城門臨水開朱欄直下一

百丈日煖遊鱗自相向昔人愛險閉層城今人愛

關江復清

劉須溪云此等語有興有怨

沙洲楓岸無來客草綠

花開山鳥鳴

過春申君祠

常州府志

春申祠宇空山裏古栢陰陰石泉水日暮江南無  
主人彌令過客思公子蕭條寒景傷山村寂寞誰  
知楚相尊當時珠履三千客趙使懷慚不敢言

春夜皇甫冉宅對酒

流落時相見悲歌共此情興因罇酒洽愁爲故人  
輕暗滴花垂露斜輝月過城那知橫吹曲江外作  
邊聲

清明日自西午橋至瓜巖村有懷

晚霽龍門雨春生汝穴風鳥啼官路靜花發毀垣

空鳴玉慙時輩垂絲學老翁舊遊人不見惆悵洛  
城東

登丹陽樓

寒臯那可望旅客又初還迢迢高樓上蕭疎涼野  
間暮情依遠水秋興屬連山浮客時相見霜凋朱  
翠顏

題嚴陵釣臺

舊隱人如在清風亦似秋客星沉夜經釣石俯春  
洲鳥向喬枝聚魚依淺瀨遊古來芳餌下誰是不  
吞鉤

洛陽作

文苑作初出徽安門

洛陽天子縣金谷石崇鄉草色侵官道花枝出苑牆書成休逐客賦罷遂爲郎貧賤非吾事西遊思

一作當 自強

晚次淮揚

微涼風葉下楚俗轉清閑候館臨秋水郊扉掩暮山月明潮漸滿露濕鴈初還浮客了無定萍流淮海間

會稽秋晚奉呈于太守

寂寞訟庭幽森森戟戶秋山光隱危磔潮色上高



樓禹穴探書罷天台作賦遊浮雲將越客歲晚共  
淹留

酬張二十員外前國子博士竇叔向

故交日零落心賞寄何人幸與馮唐遇心同跡復  
親語言未終夕離別又傷春結念湓城下聞猿詩  
興新

送張中丞歸幕

獨受主恩歸當朝似者稀玉壺分御酒金殿賜春  
衣拂席流鶯醉鳴鞭駿馬肥滿臺簪白筆捧手戀  
清輝

送竇十九判官使江南

遊宦淹星紀裁詩鍊土風今看乘傳去那與問津

同南郡迎

一作過

徐禪臨川謁謝公思歸一惆悵干

越古亭中

江上送客遊廬山

楚客自相送雷裳春水邊晚來風信好併發上江  
船花映新林岸雲開瀑布泉慙心應在此佳句向  
誰傳

酬李書記校書越城秋夜見贈

東越秋城夜西人白髮年寒城警刁斗孤憤抱龍

泉鳳輦棲岐下鯨波關洛川量空海陵粟賜泛水  
衡錢投閣嗤揚子飛書代魯連蒼蒼不可問余亦  
賦思玄

送鄒紹充河南租庸判官

中興間氣集作送  
鄒判官往陳留

齊宋傷心

一作分巡

地頻年此用兵女停襄邑杼農廢

汶陽耕使者乘輅去諸侯擁節迎深仁佐君子薄  
賦卹黎甿火燎原猶熱波搖海未平應將否泰理  
一問魯諸生

馬翊西樓

城上西樓倚暮天樓中歸望正悽然近郭亂山橫

唐詩集卷之二十一  
古渡野莊喬木帶新煙北風吹鴈聲能苦遠客辭  
家月再圓陶令好文常對酒相招那惜醉爲眠

會稽郡樓望雪

江城昨夜雪如花郢客登樓望霽華大禹壇前仍  
聚玉西施渚上更飄紗簾櫳向晚寒風渡呷晚初  
晴落影斜數處微明消不盡湖山清映越人家

長相思

遼陽望河縣白首無人見海上珊瑚枝年年寄春  
燕

陸沉詩上禮部楊侍郎

供與時人等心將靜者論終年帝城裏不識五侯門

奉寄皇甫補闕

皇甫冉集云繼祇役武昌寄此

京口情人別久揚州估客來疎潮至潯陽則去相思無處通書

上清詞

紫陽宮女捧丹砂王母令過漢帝家春風不肯停  
僊馭卻向蓬萊看杏花

開門卽事

耕夫占募逐樓船春草青青萬頃田試上吳門看

郡郭清明幾處有新煙

楓橋夜泊

月落烏啼霜滿天江邨漁火對愁眠  
姑蘇城外寒山寺夜半鐘聲到客船

安公房問法

流年一日復一日世事何時是了時  
試向東林問禪伯遣將心地學琉璃

畱別

何事千年遇聖君坐令雙鬢老江雲  
南行更入山深淺岐路悠悠水自分

送顧況泗上覲叔父

敬沐

吳鄉歲貢足嘉賓後進之中見此人別業更臨昧  
泗上擬將書卷對殘春

句

漢月經時掩胡塵與歲深

咏鏡詩式

丁籤九

唐音統籤卷二十九

張南史字季直幽州人以試參軍避亂居於楊子

再召未赴而卒詩一卷

唐宋志同李端哭南史云諫草文猶在國基智不

如高仲武云張君奕碁者中歲感激苦節學文數載間稍入詩境如已被秋風教德齡更聞寒雨勸

飛觴可謂物理俱美情致兼深

月一字至七字

月月暫盈還缺上虛空生溟渤散彩無際移輪不歇桂殿入西秦菱歌映南越正看雲霧秋卷莫待關山曉沒天涯地角不可尋清光永夜何超忽

雪



雪雪花片玉屑結陰風凝暮節高嶺虛晶平原廣  
潔初從雲外飄還向空中噎千門萬戶皆靜默炭  
皮裘自熱此時雙舞洛陽人誰悟郢中歌斷絕

泉

泉泉色淨苔鮮石上激雲中懸津流竹樹脉亂山  
川扣玉千聲應含風百道連太液併歸池上雲陽  
舊出宮邊北陵井深鑿不到我欲添淚作潺湲

竹

竹竹被山連谷出東南殊草木葉細枝勁霜停露  
宿成林處處雲抽笋年年玉天風乍起爭韻池水

相涵更緣却尋庾信小園中開對數竿心自足

花

花花深淺芬葩凝爲雪錯爲霞鶯和蝶到苑占宮  
遮已迷金谷路頻駐玉人車芳草欲殘芳樹東家  
半落西家願得春風相伴去一攀一折向天涯

草

草草折宜看好滿地生催人老金殿玉砌荒城古  
道青青千里遙悵悵三春早每逢南北離別乍逐  
東西傾倒一身本是山中人聊與王孫慰懷抱

同韓侍御秋朝使院

月  
重門啟曙闌一葉報秋還露井桐柯濕風庭鶴翅  
閑忘情簪白筆假夢入青山惆悵祇應此難裁語  
默問

殷卿宅夜宴

日暗城烏宿天寒櫪馬嘶詞人留上客妓女出中  
閨積雪連燈照回廊映竹迷太常今夜宴誰不醉  
如泥

富陽南樓望浙江風起

南樓渚風起樹杪見滄波稍覺征帆上蕭蕭暮雨  
一作多沙洲殊未極雲水更相和欲問任公子垂  
五兩

綸意若何

奉酬李舍人秋日寓直見寄

秋日金華直遙知玉佩清  
九重門更肅五色詔初成  
槐落宮中影鴻高苑外聲  
翻從魏闕下江海寄幽情

和崔中丞中秋月

秋夜月偏明西樓獨有情  
千家看露濕萬里覺天清  
映水金波動銜山桂樹生  
不知樂鵲意何用此時驚

寄中書李舍人

昨宵淒斷處對月與臨風鶴病三江上蘭蓑百草  
中題詩隨謝客飲酒寄黃翁早歲心相待還因貴  
賤同

宣城雪後還望郡中寄孟侍御

臘後年華變關西驛騎遙塞鴻連暮雪江柳動寒  
條山水還鄱郡圖書入漢朝高樓非別處故使百  
憂銷

西陵懷靈一上人兼寄朱放

淮海風濤起江關憂思長同悲鵲遶樹獨坐鴈隨  
陽山晚雲藏一作和雪汀寒月照霜由來離經處漁

父愛滄浪

寄靜虛上人雲門寺

寒日白雲裏法侶自提携竹徑通城下松門隔水  
西方同沃州去不自武陵迷彷彿心疑處一作高知處  
峯是會稽

送司空十四北遊宋州

九拒危城下蕭條送爾歸寒風吹盡角暮雪犯征  
衣道理猶成間親朋重與違白雲愁欲斷看入大  
梁飛

送朱大遊塞

歲暮一爲別江湖聊自寬且無人事戀誰爲客行  
難郢曲憐公子吳州憶伯鸞蒼蒼遠山際松栢獨  
宜寒

送鄭錄事赴太原

歎息不相見紅顏今白頭重爲西候別方起北風  
愁六月胡天冷雙城汾水流盧諶卽故吏還復向  
并州

送余贊善使還赴薛尚書幕

音書不可論河塞雪紛紛鴈足期蘇武狐裘見薛  
君城池通紫陌鞍馬入黃雲遠棹漳渠水平流幾

處分

送李侍御入茅山採藥

苦縣家風在茅山道錄傳  
聊聽驄馬使却就紫陽  
仙江海生岐路雲霞入洞天  
暮令千歲鶴飛到草堂前

獨孤常侍北亭

背洫敞高明憑軒見野情  
朝回五馬跡更勝百花  
名海樹凝煙遠湖田見鵝  
清雲光侵素壁水影蕩  
開楹俗賴褰帷問人歡  
創屣迎始能崇結構獨有  
謝宣城



早春書事奉寄中書李舍人

儒服山東士衡門洛下居風塵遊上路簡冊委空  
廬戎馬生郊日賢人避地初竄身初浩蕩投跡豈  
躊躇翠羽憐窮鳥瓊枝醜散樗還令親道術倒欲  
混樵漁弊緇袍多補飛蓬鬢少梳誦詩陪賈誼酌  
酒伴應璩鶴膝兵家備晃茨儉歲儲泊舟依野水  
開筵接園蔬暫閱新山澤長懷故里閭恩賢乘朗  
月覽古到荒墟在竹慙充箭爲蘭幸免鋤那堪聞  
相府更遣詣公車蹇足終難進頻眉竟未舒事從  
因病止生寄負恩餘不見神仙久無由鄙悵祛帝

庭張禮樂天閣綉簪裾日色浮青瑱香煙近玉除  
神清王子敬氣逐馬相如銅漏時常靜金門步轉  
徐瞻看五字表不記八行書宿昔投知己周旋謝  
起予祇應高位隔詎是故情疏爲報周多士須憐  
楚子虛一身從棄置四節苦居諸柳發三條陌花  
飛六輔渠靈盤浸沆漭龍首映儲胥北海樽留客  
西江水救魚長安同日遠不敢詠歸歟

困學紀聞云蘇許公

制右掖司言什光於五字常袞表五字非工張南  
史詩唯看五字表魏晉世語司馬景王命中書郎  
虞松草表再呈輒不可意中書侍郎鍾會取  
視爲定五字松悅服西掖用五字本於此

陸勝

一作瑛

宅秋暮雨中

探韻同作

同人永日自相將  
深竹閑園偶辟疆  
已被秋風教憶鱸  
更聞寒雨勸飛觴  
歸心莫問三江水  
旅服從沾九月霜  
醉裏欲尋騎馬路  
蕭條幾處有垂楊

江北春望贈皇甫補闕

開園柳綠井桃紅  
野徑荒墟左右通  
清迥獨連江水北  
芳菲更似洛城東  
時看雨歇人歸岫  
每覺潮來樹起風  
聞道金門堪濟世  
何須身與海鷗同

春日道中寄孟侍御

春來遊子傍歸路  
時有白雲遮獨行  
水流亂赴紅潭響  
花開不知山樹名  
誰家魚網求鮮食  
幾處人

煙事火耕昨日已嘗村酒熟一杯思與孟嘉傾

酬張二倉曹楊子閑居見寄兼呈韓郎中左

補闕皇甫冉

孤雲獨鶴自悠悠別後經年尚泊舟漁父致詞相  
借問仙郎能賦許依投折芳遠寄三春草乘興閑  
看萬里流莫怪杜門頻乞假不堪投病拜龍樓

秋夜聞鴈寄南十五兼皇空和尚

晚節聞君道趣深結茅栽樹近東林禪師幾度曾  
摩頂高士何年更發心北渚三更聞過鴈西城萬  
木動寒砧不見支公與玄度相思擁膝坐長吟

句

竹符辭漢守桂酒奠湘君

送李使君貶柳州詩式